

Uunga siunnersuut: Inatsisartut Ombudsmandiata 2014-imut ukiu-moortumik nalunaarutaata Inatsisartunit tusaatissatut tiguneqarnis-saanik Inatsisartut aalajangiiffigisassaattut siunnersuut.

Akissuteqaat

(Naalakkersuisut Siulittaasuat)

Siullermeerneqarnera

Aallarniutigalugu Inatsisartut Ombudsmandiata 2014-imut ukiumoortumik nalunaarusiaanut aammalu ombudsmanditut atorfimmini sulillaarsimanera pillugu Inatsisartut Ombudsmandiat qujassuteqarfige-rusuppara.

Ombudsmand-i arlaannaanulluunniit attuumassuteqanngitsumik misissuisinnaatitaanermigut qitiul-luinnartumik inissisimavoq.

Naalakkersuisut nalunaarut soqutigalugu atuarpaat nalunaarsuisarnermullu pisortanilu atorfillit oqaa-seqarsinnaanissaminnut kiffaanngissuseqarnerisa Ombudmand-imit immikkut isiginiarneqarsimaneri Naalakkersuisut maluginiarpaat.

Innuttaasut eqqarsaatigalugit allaffissornerup eqqortumik ingerlanissaa inatsisitigullu sinaakkusiussat malinneqarnissaat kiisalu pisortani ingerlatsinermi ileqqorissaarnissamut tunngaviit pingaarutillit ma-linneqarnissaat Naalakkersuisut pingaartitaraat. Tamanna tunngavigalugu Ombudsmandip oqaaseqaa-tai tusaatissatut tiguneqarpata naleqqussagassallu pisariaqartut naleqqussarnissaasa qulakkeerniarnis-saat pissusissamisuusaaq.

Taamatut oqaaseqarlunga Inatsisartut Ombudsmandiata 2014-imut ukiumoortumik nalunaarusiaata Inatsisartunit tusaatissatut tiguneqarnissaa Naalakkersuisunit akuersaarparput.